



UNIVERSITÄTS-
BIBLIOTHEK
PADERBORN

Universitätsbibliothek Paderborn

In Amos, Abdiam, Et Ionam Prophetas, Commentarij Francisci Lamberti Auenionensis

Lambert, François

Argentorati, 1525

VD16 B 3868

Pars Qvinta. Qui[n]to, contra fiduciam in omnem prudentia[m] huius
sæculi.

urn:nbn:de:hbz:466:1-35983

COMMENTAR. CAPVT I. 96

cis tuæ, hi scilicet, à quibus sperabas auxiliū, atq; bonum, & cum quibus pacem ante habebas. Et qui comedunt panem tecum, qui scilicet tibi conuiuunt, & communicant, ponent insidias subter te, hostium tuorum manibus te tradentes.

Habes ex hoc loco, quàm intutum sit hominibus fidere, quantumlibet sanguine, amicitia, & foedere iuncti sint. Vere neq; in patre, neq; in uxore, neq; in fratribus aut filijs, est tutum fidere. Omnes enim caro sunt, nisi Dei spiritus, quod à carne est mortificet, & crucifigat. Scriptum est enim. **Maledictus homo qui confidit in homine, & ponit carnem brachium suum. Nere. 17.** Et de amico ac uxore dicitur. **Mich. 7.** Amico noli fidere, & ab ea quæ dormit in sinu tuo, custodi claustra oris tui.

PARS QVINTA.

Non est prudentia in eo. Nunquid nō in die illa, dicit Dominus, perdam sapientes de Idu meā, & prudentiam de monte Esau. Et timebunt fortes tui à meridie, ut intereat uir de monte Esau.

EST reproba carnis prudentia, quæ mors est, Deoq; inimica. Roma. octauo. Et stultitia apud Deum. 2. Corin. tertio. Animalis, carnalis, & diabolica. Iaco. tertio. **Hæc semper inimicatur sapientiæ Dei, sed ab**

sed ab ea superatur, calcatur, uincitur, atq; prorsus disperditur, quemadmodum uides hoc loco, & **Esā. 29. 33. & 1. Corin. 2.** Non est sapientia, non est prudentia, non est consilium contra Dominum. **Prouerb. 21.** Proinde quia **Idu-** mei in huius seculi fallaci prudentia plurimum gloriabantur, eam primum damnat spiritus sanctus, dicens: Non est prudentia in eo. Nimirum carnis prudentia, qua in suum interitum regebantur, stultitia est apud Dominum, sicut diximus, imo simpliciter, & dementia & insana est. Et de omnibus, qui non sentiunt ex spiritu & uerbo dei, quantumlibet expti, doctiq; in humanis uideatur, hoc uerbum est omnino uerum. Non est prudentia in eis. Sic non est prudentia in garrulis sophistis, & ampullosis summissis (ut uocant) aut decretistis, neq; in factione lasciuientium tyrannorum, ac figmentis gentis pharisaicae, & toto regno perditissimo Antichristorum, sed stultitia, mendacio, inconstantia, detractionibus, hypocrisi, ueritatis contemptu, inuidia, contentionibus, caelestis sapientiae reprobatione, ac omni amentia pleni sunt.

Ait demq;: Nunquid non in die illa, cum scilicet **Edom** punietur, dicit Dominus, perdam sapientiam etc. Sesus est: **Faciam irrita omnia eorum consilia, quae putabunt se in multa prudentia dedisse. Tum uel facto agnoscent, quam nihil sit omnis prudentia eorum. Et fugiet mens ab eis, ita ut nesciant omnino, quid facient. Sapientiae namq; meae consilium illis contraria definiuit: Quod autem definiuit, etiam fieri necesse est. Et perdam mea sapientia, illorum prudentiam**

prudentiam maledictam, & scient, quod nihil possit illo-
rum consilium contra me. Et **Niere. 49.** contra eum dici-
tur: Nunquid non ultra est sapientia in **Theman** (dum eo
rum urbe) Perijt consiliū à filijs, inutilis facta est sapien-
tia eorum. Et fortes tui, uidentes irrita fieri cōsilia eorum,
timebunt à meridie. Ab ea nanq; plaga, hostium exercitus
uenit contra eos. Timebunt autem, ut intereat uir de mon-
te **Esau**, hoc est, ab **Idumæa**. **Vir**, id est, uiri, singulare pro
plurali. Sensus est: Ideo timebunt, quod prouidebunt su-
orum interitum.

Obserua, quod hi in quibus est celestis prudentia, &
uera fides in dominum, non timent cum uenit malum, deo
firmante, & consolante corda eorum spiritu suo. Hinc di-
citur **Nier. 17.** Benedictus uir qui confidit in **Domino**, &
erit **Domini** fiducia eius. Et erit tanquam lignum, quod
transplantatur super aquas, quod ad humorem mittit ra-
dices suas, & non timebit, cum uenerit aestus. Et erit foli-
um eius uiride, & in tempore siccitatis non erit sollicitum,
nec aliquando desinet facere fructum. Et **Psal. 111.** Ab au-
ditione mala non timebit. Qui autem sola carnis pruden-
tia reguntur, & alienis à **Deo** fidūt, mox dimouētur, fran-
guntur, desolantur, & semper sunt, uelut arundo uēto agi-
tata. Sunt quoq; ut miricæ in deserto, & non uidebunt, cū
uenerit bonū, ut habes **Nier. 17.** sed habitabunt in siccitate,
in deserto, in terra salsuginis & inhabitabili. Summa: Ni-
hil tandem prosperum & uere bonum illis esse potest, qui
in sola carnis prudentia uiuunt.

N Pars sexta